

# ODLUKA O VISINI KOMUNALNIH TAKSI OPĆINE ILIDŽA\*

("Službene novine KS", br. 14/22 i 6/26)

## DIO PRVI- OPĆE ODREDBE

### Član 1.

#### (Predmet)

Ovom odlukom utvrđuju se vrste komunalnih taksi ( u daljem tekstu: taksa), kriteriji i visine takse na području općine Ilidža, oslobađanje od plaćanja i način plaćanja u skladu sa Zakonom o komunalnim taksama ("Službene novine Kantona Sarajevo", broj 8/22), (U daljem tekstu: Zakon).

### Član 2.

#### (Definicije pojmova)

(1) Definicije pojmova u smislu Odluke o visini komunalnih taksi Općine Ilidža (u daljem tekstu: odluka):

#### **Ranija tačka a) brisana ("Službene novine KS, broj 6/26);**

**a)** držanje sredstava za igru (bilijar, automati, fliperi, video igre, pikado, aparati za posebne igre na sreću i sl.) podrazumjeva svaki uređaj kojim se naplaćuje provedeno vrijeme jednog ili više konzumenata takvih uređaja;

**b)** poslovni prostor u kojem se priređuju klasične igre na sreću i posebne igre na sreću podrazumjeva svaki poslovni prostor u kojem se priređuju klasične igre na sreću i/ili posebne igre na sreću;

**c)** držanje i izvođenje muzike uživo u ugostiteljskim objektima podrazumjeva povremeno ili svakodnevno izvođenje muzičkog programa (muzika uživo) uz pružanje ugostiteljskih usluga;

**d)** isticanje objava, oglasa i saopćenja na javnim mjestima podrazumjeva postavljanje stalnih ili privremenih objava, oglasa i saopćenja na javnim mjestima u štampanoj ili elektronskoj formi. Ovdje se podrazumjeva reklamiranje brendova, proizvoda ili usluga koje pružaju pravne ili fizičke osobe, ili koje imaju svrhu putokaza prema mjestu sjedišta sponzora koji ih je postavio;

**e)** svako korištenje prostora na mjestima za kampove (šatore, prikolice i motorna vozila svih kategorija) podrazumjeva zauzimanje prostora za privremeni boravak od strane jedne ili više osoba;

**f)** postavljanje uređaja za isplatu i naplatu gotovine, (bankomata) podrazumjeva svako zauzimanje površine radi postavljanja i instaliranja ovakvih uređaja u svrhu pružanja usluga prema konzumentima;

**g)** postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu, ili posredstvom telekom operatera (kafemati, parkomati i sl.) podrazumjeva postavljanje navedenih uređaja koji automatskom obradom podataka obračunavaju i naplaćuju razne vrste usluga bez osobnog posredovanja konzumenta sa pružaocem usluga koji može biti registrovan kao fizička ili pravna osoba.

## DIO DRUGI - TAKSENI OBAVEZNICI I NASTANAK OBAVEZE

### Član 3.

#### (Vrste taksi)

(1) Na području općine Ilidža propisuje se i naplaćuje taksa za:

#### **Ranija tačka a) brisana ("Službene novine KS, broj 6/26);**

**a)** držanje sredstava za igru i igre na sreću (bilijar, automati, fliperi, video igre, pikado i aparati za posebne igre na sreću );

**b)** poslovni prostor u kojem se priređuju klasične igre na sreću i posebne igre na sreću koje su definisane odredbama Zakona o igrama na sreću ("Službene novine Federacije BiH", broj 48/15 i 60/15) i eventualnim izmjenama i dopunama;

**c)** držanje i izvođenje muzike uživo u ugostiteljskim objektima;

**d)** isticanje objava, oglasa i saopćenja na javnim mjestima;

**e)** korištenje prostora na javnim mjestima za kampove (šatore, prikolice i motorna vozila svih kategorija);

**f)** postavljanje uređaja za isplatu i naplatu gotovine, (bankomata) i

\* Odluka je objavljena u "Službenim novinama KS", broj 14/22 od 7. aprila 2022. godine, a stupila je na snagu 8. aprila 2022. godine. Izmjene Odluke su objavljene u "Službenim novinama KS" broj 6/26 od 12. februara 2026. godine, a stupile su na snagu 13. februara 2026. godine. Odluka je donijeta na osnovu člana 6. Zakona o komunalnim taksama ("Službene novine Kantona Sarajevo", broj 8/22), a u vezi sa Mišljenjem Ustavnog suda Federacije Bosne i Hercegovine broj U-6/25 od 9. aprila 2025. godine ("Službene novine Federacije BiH", br. 33/25).

g) postavljanje svih drugih uređaja koji putem automatske obrade podataka naplaćuju usluge gotovinom, karticama za naplatu ili posredstvom telekom operatera (kafemati, parkomati).

#### **Član 4.**

##### **(Početak nastanka obaveze)**

**Raniji stav (1) brisan ("Službene novine KS, broj 6/26).**

**Taksena obaveza iz člana 3. stav 1. tačke a) do g) ove odluke nastaje u trenutku kada se počinje koristiti predmet, poslovni prostor i usluga za čije korištenje ovom Odlukom propisano plaćanje takse (izmjena 6/26).**

#### **Član 5.**

##### **(Obveznici plaćanja takse)**

(1) Obveznici plaćanja takse su sva pravna i fizička lica koja obavljaju djelatnost na osnovu odobrenja/rješenja nadležnog organa i posluju na području općine Ilidža, odnosno lica koja su korisnici prava, predmeta, **poslovnih prostora** i usluga za čije korištenje je propisano plaćanje takse (izmjena 6/26).

(2) Porezni obveznici dužni su podnijeti Poreznoj upravi Ispostava Ilidža prijavu komunalne takse u rokovima koji su utvrđeni članom 11. i 12. Zakona.

(3) Porezna prijava komunalne takse podnosi se na propisanom obrascu koji čini sastavni dio ove Odluke.

(4) Pravna lica kao poreski obveznici, dužna su poreznu prijavu komunalne takse podnijeti elektronski.

(5) Podnošenje izmijenjenih prijava i prijava u ime poreskog obveznika će vršiti Poreska uprava u skladu sa Zakonom o poreznoj upravi Federacije Bosne i Hercegovine ("Službene novine Federacije BiH", br. 33/02, 28/04, 57/09, 40/10, 27/12, 7/13, 71/14 i 91/15) po službenoj dužnosti.

### **DIO TREĆI - KRITERIJI, POSLOVNE ZONE I VISINA TAKSE**

#### **Član 6.**

##### **(Kriteriji )**

Kriteriji za određivanje visine takse su: poslovna zona u kojoj se djelatnost obavlja i pravni status poreznog obveznika.

#### **Član 7.**

##### **(Poslovne zone)**

(1) Područje Općine Ilidža dijeli se na pet poslovnih zona i to:

- a) extra poslovna zona
- b) prva poslovna zona
- c) druga poslovna zona
- d) treća poslovna zona
- e) četvrta poslovna zona

(2) Extra poslovna zona obuhvata ulice:

Džemala Bijedića od Trga "Bulevar Meše Selimovića" sa kompleksom "Heco - Pijaca" i poslovnim centrom "Radon plaza" "Oslobođenje", Rustempašina, Ustanička, Mala aleja, Harisa Merzića/autobuski i tramvajski terminal, Dr. Mustafe Pintola, Butmirska cesta - desna strana od kružnog toka do ulaza u naselje Butmir.

Međunarodni aerodrom Sarajevo (ulica Kurta Schorka 36).

Centralni park u obuhvatu-ulice: Banjska-lijeva strana, Hrasnička cesta od raskrsnice sa ulicom Banjska do ulice Velika aleja, Velika aleja, IV Viteške brigade od raskrsnice sa ulicom Velika aleja do raskrsnice sa ulicom Hrasnička cesta, Jasike završno sa objektom bivše šumarske škole i Karla Maja.

Kompleks Vrelo Bosne/izvorište rijeke Bosne/sa ulicom Vrelo Bosne od izvorišta rijeke Bosne završno sa velikim parkingom

(3) Prvu poslovnu zonu čine ulice:

Tvornička i Pijačna sa kompleksom "ENERGOINVEST" i bivše fabrike "SIMES", Kurta Schorka od mosta na rijeci Miljacki do Međunarodnog aerodroma Sarajevo.

Butmirska cesta – lijeva strana od kružnog toka do ulaza u naselje Butmir, Emira Bogunića Čarlija i Ibrahima Ljubovića

Samira Čatovića Kobre, Magistrala od mosta na rijeci Željeznici do raskrsnice sa ulicom Blažujski drum, Lužansko polje do podvožnjaka, Hrasnička cesta od mosta na rijeci Željeznici do ulice Banjska i od raskrsnice sa ulicom Velika aleja do kružnog toka i kompleks "Stojčevac".

(4) Druga poslovna zona obuhvata ulice:

Umihane Čuvidine od raskrsnice sa ulicom Hrasnička cesta do raskrsnice sa ulicom Ahmeta Ljubunčića, Hrasnička cesta što nije u extra i prvoj poslovnoj zoni.

Trg branilaca Hrasnice, 6. April od ulice Put Famosa do raskrsnice sa ulicom Izeta Musića, "Industrijska zona FAMOS", dr. Halid bega Hrasnice od ulice Put Famosa do ulice Školska, Ejuba Sarajkića, Igmanskih bataljona

od Hrasničke ceste do raskrsnice sa ulicom Ahmeda Bošnjaka.

Bosanskih gazija, Josipa Slavenskog, Prve Samostalne brigade, Edhema Eke Džubura, Željeznička, 12. Mart, 25. Novembar, Abdulaha ef.Kantamirije, Dr. Fuada Muhića, Gazi Hasan paše, Gliše Jankovića, Midhada Hujdura Hujke, Mustafe Ice Voljevice, Nasihe Kapidžić Hadžić, Tome Međe i Zaima Topčića.

IV Viteške brigade što nije u extra zoni, Jahijela Fincija, Josipa Pančića, Hamze Čelenke, Krste Hegedušića, Karima Zaimovića, Čolakovića kula, Ramiza Jašara, Šemsudina Sarajlića i Vinka Šamarlića.

Magistrala od raskrsnice sa ulicom Blažijski drum i Blažijski drum.

Blažuj, industrijska zona "Bosanka", Rakovička cesta od kružnog toka (Mostarsko raskršće) do ulice Plan-taže (Plavi granap).

Hifzi Bjelavca, Nikole Šopa, Ismeta Alajbegovića Šerbe, Briješćanska, Vitomira Lukića i Joze Penave.

Stupska do raskrsnice sa ulicom Latička.

Aleja Bosne Srebrene, dr. Silve Rizvanbegović.

(5) Treću poslovnu zonu čine ulice:

Butmirska cesta od ulaza u naselje Butmir, Ilirska, Poligonska, Izeta Čomare od mosta na rijeci Tilavi do ulice Butmirska cesta i Aerodromska.

Ahmata Ljubunčića, Ajvaz Dedina, Aladža, Bjelašnička, Džananova, Ferhat paše Sokolovića, Francuske revolucije, Huseina Doze, Ibrahima Hafiza Riđanovića, Igmanska cesta, Mariče Uherke, Nihadija, Osmana ef.Rastodera, Sestara Elčić, Trg 22. Aprila, Kapetana Hajre Mešića, Umihane Čuvidine što nije u drugoj poslovnoj zoni.

6. April što nije obuhvaćeno drugom poslovnom zonom, Derviš paše Bajezidagića, Generala Izeta Nanića, Izeta Musića, Put Famosa od ulice 6. April do Industrijske zone "Famos", Šehitluci i Gaj.

Ahmada Bošnjaka, Ćamila Marića, Dr.Halid bega Hrasnice što nije u drugoj poslovnoj zoni, Igmanskih bataljona što nije u drugoj poslovnoj zoni, Reisa ef.Hadžiomerovića, Sabita Užičanina, Školska i Stari drum do raskrsnice sa ulicom Ruževik.

Vreoca, Plandište, Vrelo Bosne što nije obuhvaćeno extra poslovnom zonom, Bosanski ljljan, Sarajevska rijeka, i Slana bara.

Kamenolom, Mali kiseljak, Zujevinska, Vlakovo sa parking prostorom.

Osik, Barska, Fadila Hadžića, Fridircha Kacera, Oteška, Seada Sinanovića, Trg oteškog bataljona, Ivana Brkića, Vjekoslava Klaića, Rahima Čatovića i Dragana Kulidžana.

Azići, Bare kod Stupa, Bojnička, Mehe Porobića.

Dobrinjska, Kasindolska, Latička, Lepenička, Nikole Kolumbića Šake, Stupska što nije obuhvaćeno drugom poslovnom zonom, Davorina Popovića., 14. Maj 92., Dr. Atifa Purivatre, Dr. Ibrahima Tepića, Dr. Avde Sućeske, Dr. Sejda Hukovića, Dr. Ševala Zildžić-Iblizović, Friedricha Adolfa, Kasindolskih žrtava, Mehmedalije Bojića, Salke Terzića, Smajila Balića, Zdenka Markulja i Zuhdije Kadrića.

Dr. Kasima Begića, Munira Gavrankapetanovića, 18. Septembar, Enisa Srne, Ešrefa Kovačevića, Fehim Agić-aga, Kenana Dubravića, Olivera Ibrahimovića i Stupsko brdo.

(6) Četvrtu poslovnu zonu čine sve ulice sa područja općine Ilidža koje nisu obuhvaćene extra, prvom, drugom i trećom poslovnom zonom.

## Član 8.

### (Visina komunalnih taksi)

Ovom odlukom utvrđuje se visina komunalnih taksi prema Tarifnim brojevima, kako slijedi:

#### **Raniji Tarifni broj 1. brisan ("Službene novine KS, broj 6/26).**

##### **Tarifni broj 1.**

a) Za držanje sredstava za igru (bilijar, automati, fliperi, video igre, pikado) plaća se komunalna taksa godišnje po jednom sredstvu u iznosu od 400,00 KM;

b) Za držanje sredstava za igre na sreću (aparati za posebne igre na sreću) koja donose novac plaća se komunalna taksa godišnje po jednom sredstvu u iznosu od 3.000,00 KM;

##### **Tarifni broj 2.**

Za poslovni prostor u kojem se priređuju klasične igre na sreću i posebne igre na sreću koje su definisane odredbama Zakona o igrama na sreću ("Službene novine Federacije BiH", br. 48/15 i 60/15), priređivač igara na sreću dužan je platiti, godišnje, komunalnu taksu u iznosu kako slijedi:

Poslovni prostor u kojem se priređuju klasične i posebne igre na sreću	Z O N E – iznos takse u KM				
	EXTRA	I	II	III	IV
Iznos:	20000	18000	16000	14000	12000

**Tarifni broj 3.**

Za držanje i izvođenje muzike uživo u ugostiteljskim objektima plaća se komunalna taksa dnevno u iznosu od 100,00 KM.

**Tarifni broj 4.**

Za isticanje objava, oglasa i saopćenja na javnim mjestima određenim za te namjene plaća se taksa jednokratno i to:

- a) za seriju do 100 komada - 100,00 KM
- b) za seriju preko 100 komada - 200,00 KM

**Tarifni broj 5.**

Za korištenje prostora na javnim mjestima za kampove (šatore, prikolice, motorna vozila svih kategorija), korisnik usluga obavezan je platiti taksu, po danu:

- a) za svaki šator 2 KM
- b) za kamp prikolicu 1 KM
- c) za motorno vozilo 1 KM.

**Tarifni broj 6.**

Za postavljanje uređaja za isplatu i naplatu gotovine (bankomati) plaća se taksa godišnje po jednom uređaju u iznosu kako slijedi:

Za svaki uređaj za isplatu i naplatu gotovine (bankomati)	ZONE – iznos takse u KM				
	EXTRA	I	II	III	IV
Iznos takse	1000,00	900,00	600,00	400,00	200,00

**Tarifa broj 7.**

Za postavljanje uređaja koji putem automatske obrade podataka naplaćuju usluge gotovinom, karticama za naplatu, ili posredstvom telekom operatera (kafemati, parkomati) plaća se taksa godišnje po jednom uređaju u iznosu 200,00 KM.

**DIO ČETVRTI - OSLOBAĐANJE OD PLAĆANJA TAKSE****Član 9.****(Oslobađanja od plaćanja takse)**

(1) U skladu sa Zakonom, od plaćanja takse oslobođeni su:

- a) institucije Bosne i Hercegovine,
- b) organi, organizacije i javne ustanove Federacije Bosne i Hercegovine, Kantona, općina sa područja Kantona i Grada Sarajeva,
- c) humanitarne i dobrotvorne organizacije iz osnovne djelatnosti,
- d) udruženja koja ne obavljaju privrednu djelatnost,
- e) vojni invalidi od plaćanja takse iz člana 2. stav (1) tač. a) i f) ove odluke,
- f) lica kojima je rješenjem nadležnog organa priznato svojstvo člana porodice poginulih, umrlih, nestalih i zarobljenih boraca, ratnih vojnih invalida i civilne žrtve rata i
- g) privredna društva za zapošljavanje lica sa invaliditetom i zaštitna radionica.

(2) Od plaćanja takse oslobođeni su i:

- a) samostalni privrednici sa najmanje 60% invaliditeta;
- b) crkve i vjerske zajednice koje su upisane u jedinstveni registar za upis crkava i vjerskih zajednica, njihovih saveza i organizacionih oblika u Bosni i Hercegovini koji vodi Ministarstvo pravde Bosne i Hercegovine;
- c) Obrtnici/samostalni privrednici kojima je Zakonom o porezu na dohodak odobreno plaćanje poreza na dohodak u paušalnom iznosu (paušalci) a koji obavljaju djelatnost u oblasti poljoprivrede.

(3) Oslobađanja iz stava 1. tačka a) do g) i stava 2. tačka a) do c) ovog člana se ne odnose na privređivanje klasičnih igara na sreću i posebnih igara na sreću koje su definisane odredbama Zakona o igrama na sreću ("Službene novine Federacije BiH", broj 48/15 i 60/15) i eventualnim izmjenama i dopunama Zakona.

**Član 10.****(Izuzće od plaćanja takse za istaknutu firmu)**

**Brisan ("Službene novine KS, broj 6/26).**

**Član 11.****(Oslobađanje plaćanja dijela komunalne takse za istaknutu firmu)**

**Brisan ("Službene novine KS, broj 6/26).**

## DIO PETI- UPLATA I POVRAT TAKSE

### Član 12.

#### (Uplata takse)

#### **Raniji stav (1) brisan ("Službene novine KS, broj 6/26).**

Taksa iz člana 3. stav 1. tačke **a) do g)** ove Odluke se uplaćuje na depozitni račun Budžeta Općine Ilidža, šifra Općine 078, sa naznakom vrste prihoda 722321 i poziv na broj 0000000000 u skladu sa Pravilnikom o načinu uplate javnih prihoda budžeta i izvanbudžetskih fondova na teritoriji Federacije BiH i izvorni su prihod Općine Ilidža (*izmjena 6/26*).

### Član 13.

#### (Povrat više/pogrešno uplaćene takse)

Povrat više ili pogrešno uplaćene takse na istaknutu firmu vrši se u skladu sa odredbama Pravilnika o načinu uplate javnih prihoda budžeta i izvanbudžetskih fondova na teritoriji Federacije Bosne i Hercegovine i Procedure za povrat više ili pogrešno uplaćenih javnih prihoda sa jedinstvenog računa trezora Općine Ilidža.

### Član 14.

#### (Nadzor i kontrola prijave)

**(1) Nadzor i kontrolu prijave, obračuna i plaćanja općinske komunalne takse vrši Porezna uprava i Služba za inspekcijski nadzor Općine Ilidža - Urbanističko-građevinska i komunalna inspekcija u saradnji sa Službom za finansije, svaka u okviru svoje nadležnosti (*izmjena 6/26*).**

**(2) Porezna uprava će Službi za finansije dva puta u toku kalendarske godine i to do 31. jula i do 31. januara dostavljati evidencije o realizaciji izvršenih uplata općinske komunalne takse (*izmjena 6/26*).**

## DIO ŠESTI - PRELAZNE I ZAVRŠNE ODREDBE

### Član 15.

#### (Započeti neokončani postupci)

Postupci razreza visine iznosa takse koji nisu pravosnažno okončani do dana stupanja na snagu ove Odluke, bit će okončani prema odredbama ove Odluke o komunalnim taksama

### Član 16.

#### (Prestanak Odluke)

Danom stupanja na snagu ove Odluke prestaje da važi Odluka o visini komunalnih taksa na području općine Ilidža ("Službene novine Kantona Sarajevo", broj 51/18- Prečišćeni tekst).

### Član 17.

#### (Stupanje na snagu)

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

IDENTIFIKACIONI BROJ PORENOG OBVEZNIKA \_\_\_\_\_  
 NAZIV PRAVNOG LICA- FIZIČKOG LICA \_\_\_\_\_  
 ADRESA: \_\_\_\_\_  
 BROJ TRANSAKCIJSKOG RAČUNA \_\_\_\_\_  
 OOPP \_\_\_\_\_

PKT

IDENTIFIKACIONI BROJ ZASTUPNIKA PRIJAVE \_\_\_\_\_  
 NAZIV ILI IME I PREZIME \_\_\_\_\_  
 ADRESA POTPISNIKA PRIJAVE \_\_\_\_\_  
 KANTONALNI URED POREZNE UPRAVE  
 ISPOSTAVA ILIĐJA

Broj telefona \_\_\_\_\_

KOMUNALNA TAKSA ZA ISTAKNUTU FIRMU ZA PERIOD OD \_\_\_\_\_ DO \_\_\_\_\_

oznaka općine-078- ILIĐJA

Redni broj	Adresa	Broj istaknutih firmi	Tarifni broj	Zona	Iznos takse (KM)	Osllobađanje na osnovu člana 9. Odluke	Osllobađanje na osnovu člana 10. Odluke	Osllobađanje dijela takse na osnovu člana 11. Odluke	Iznos takse	Vrsta prihoda	UPLATNI RAČUN
1	2	3	4	5	6	7	8	9	10	11	12
											338-000-22100245-98
										722322	
UKUPNO:											

**NAPOMENA:**

- 1) a) Porezni obveznik (pravno lice) ovom prijavom, pod punom materijalnom i krivičnom odgovornošću, izjavljuje da je utvrdio svoj status pravnog lica prema članu 5. Zakona o računovodstvu i reviziji u FBiH ("Službene novine Federacije BiH", broj 15/21).
- b) Porezni obveznik (fizičko lice) ovom prijavom, pod punom materijalnom i krivičnom odgovornošću, izjavljuje da je utvrdio svoj status prema ostvarenom prihodu u prethodnoj godini (ZAKRŽUŽITI ODGOVARAJUĆE):

- manji od 25.000,00 KM
- od 25.000,00 KM do 50.000,00 KM
- od 50.000,00 KM do 100.000,00 KM
- preko 100.000,00 KM

- 2) Ovom prijavom porezni obveznik izjavljuje da veličina table iznosi 300 x 300 mm (ZAKRŽUŽITI ODGOVARAJUĆE):

- DA
- NE

Veličina pravnog lica	Ostvareni prihod u prethodnoj godini na dan sastavljanja finansijskog izvještaja
MIKRO	
MALO	
SREDNJE	
MAKRO	

POTPIS I PEČAT PODNOSIOCA PRIJAVE

\_\_\_\_\_

PKT

IDENTIFIKACIONI BROJ PORENOG OBVEZNIKA \_\_\_\_\_  
 NAZIV PRAVNOG LICA- FIZIČKOG LICA \_\_\_\_\_  
 ADRESA: \_\_\_\_\_  
 BROJ TRANSAKCIJSKOG RAČUNA \_\_\_\_\_  
 OOPP \_\_\_\_\_

Broj telefona \_\_\_\_\_

IDENTIFIKACIONI BROJ ZASTUPNIKA PRIJAVE \_\_\_\_\_  
 NAZIV ILI IME I PREZIME \_\_\_\_\_  
 ADRESA POTPISNIKA PRIJAVE \_\_\_\_\_  
 KANTONALNI URED POREZNE UPRAVE \_\_\_\_\_  
 ISPOSTAVA ILIDŽA \_\_\_\_\_

a) DRŽANJE SREDSTAVA ZA IGRE NA SREĆU

Redni broj	Mjesto- adresa gdje se sredstvo za igru nalazi	Vrsta sredstava	Broj sredstava	Godišnji iznos (KM)	Oslobađanje na osnovu člana 9. Odluke	Iznos takse	Vrsta prihoda	UPLATNI RAČUN
1	2	3	4	5	6	7	8	9
								338-000-22100245-98
							722321	
UKUPNO:								

b) POSLOVNI PROSTOR U KOJEM SE PRIREĐUJU KLASIČNE IGRE NA SREĆU I IGRE KOJE SU DEFINISANE ODREDBAMA ZAKONA O IGRAMA NA SREĆU

Redni broj	Mjesto- adresa poslovnog prostora u kojem se priređuju klasične i posebne igre na sreću	Zona	Vrsta igri u skladu sa članom 4. Zakona o igrama na sreću	Godišnji iznos (KM)	Oslobađanje na osnovu člana 9. Odluke	Iznos takse	Vrsta prihoda	UPLATNI RAČUN
1	2	3	4	5	6	7	8	9
								338-000-22100245-98
							722321	
UKUPNO:								

c) DRŽANJE I IZVOĐENJE MUZIKE UŽIVO U UGOSTITELJSKIM OBJEKTIMA

Redni broj	Mjesto- adresa ugoditeljskog objekta u kojem se vrši držanje i izvođenje muzike uživo	Broj dana u kojima se izvodi muzika	Dnevni iznos (KM)	Oslobađanje na osnovu člana 9. Odluke	Iznos takse	Vrsta prihoda	UPLATNI RAČUN	
1	2	3	4	5	6	7	8	
							338-000-22100245-98	
						722321		
UKUPNO:								

d) ISTICANJE OBJAVA, OGLASA I SAOPĆENJA NA JAVNIM MJESTIMA

Redni broj	Broj objava, oglasa i saopćenja u skladu sa tarifnim brojem 5. Odluke	Jednokratni iznos (KM)	Oslobađanje na osnovu člana 9. Odluke	Iznos takse	Vrsta prihoda	UPLATNI RAČUN	
1	2	3	4	5	6	7	
						338-000-22100245-98	
					722321		
UKUPNO:							

e) KORIŠTENJE PROSTORA NA JAVNIM MJESTIMA ZA KAMPOVE

Redni broj	Broj rješenja o zakupu javne površine koje izdaje nadležna općinska služba	Broj kampova, šatora, motornih vozila	Iznos po danu (KM)	Oslobađanje na osnovu člana 9. Odluke	Iznos takse	Vrsta prihoda	UPLATNI RAČUN
1	2	3	4	5	6	7	8
							338-000-22100245-98
						722321	
UKUPNO:							

f) POSTAVLJANJE UREDAJA ZA ISPLATU I NAPLATU GOTOVINE

Redni broj	Mjesto- adresa na kojoj je postavljen uređaj za isplatu i naplatu gotovine	Zona	Broj uređaja	Godišnji iznos (KM)	Osllobađanje na osnovu člana 9. Odluke	Iznos takse	Vrsta prihoda	UPLATNI RAČUN
1	2	3	4	5	6	7	8	9
								338-000-22100245-98
							722321	
UKUPNO:								

g) POSTAVLJANJE SVIH DRUGIH UREDAJA KOJI PUTEM AUTOMATSKE OBRADJE PODATAKA NAPLAĆUJU USLUGE GOTOVINOM, KARTICAMA ZA NAPLATU ILI POSREDSTVOM TELEKOM OPERATERA

Redni broj	Mjesto- adresa na kojoj je postavljen uređaj	Vrsta uređaja	Broj uređaja	Godišnji iznos (KM)	Osllobađanje na osnovu člana 9. Odluke	Iznos takse	Vrsta prihoda	UPLATNI RAČUN
1	2	3	4	5	6	7	8	9
								338-000-22100245-98
							722321	
UKUPNO:								

**NAPOMENA:**

- 1) a) Porezni obveznik ( **pravno lice** ) ovom prijavom, pod punom materijalnom i krivičnom odgovornošću, izjavljuje da je utvrdio svoj status pravnog lica prema članu 5. Zakona o računovodstvu i reviziji u FBiH ("Službene novine Federacije BiH", broj 15/21).
- b) Porezni obveznik ( **fizičko lice** ) ovom prijavom, pod punom materijalnom i krivičnom odgovornošću, izjavljuje da je utvrdio svoj status prema ostvarenom prihodu u prethodnoj godini (ZAKRUŽITI ODGOVARAJUĆE):

manji od 25.000,00 KM

od 25.000,00 KM do 50.000,00 KM

- od 50.000,00 KM do 100.000,00 KM
- preko 100.000,00 KM

2) Ovom prijavom porezni obveznik izjavljuje da veličina table iznosi 200 x 300 mm (ZAKRUGITI ODGOVARAJUĆE):

- DA
- NE

Veličina pravnog lica	Ostvareni prihod u prethodnoj godini na dan sastavljanja finansijskog izvještaja.
MIKRO	
MALO	
SREDNJE	
MAKRO	

POTPIS I PEČAT PODNOSIOCA PRIJAVE

---